

სამხარეო ადმინისტრაციაში ნატოსა და ევროკავშირის ოფისის წარმომადგენლებთან შეხვედრა გაიმართა

25 თებერვალი 2020

შიდა ქართლის სახელმწიფო რწმუნებული გიორგი ხოჯევანიშვილი ნატოსა და ევროკავშირის შესახებ საინფორმაციო ცენტრის დირექტორს თამარა ნულეისკირს შეხვდა. მხარეებმა ერთობლივად განსახორციელებელი პროექტები განიხილეს და სამომავლოდ, კიდევ უფრო მჭიდრო თანამშრომლობაზე შეთანხმდნენ. უახლოეს პერიოდში ნატოსა და ევროკავშირის თემაზე რეგიონის მოსახლეობასთან საჯარო შეხვედრები იგეგმება, რაშიც სამხარეო ადმინისტრაცია აქტიურად ჩაერთვება.

„ჩვენ უკვე დიდი ხანია ვთანამშრომლობთ, ვგეგმავთ და ვახორციელებთ ერთობლივ ღონისძიებებს. ამჯერადაც, რეგიონში დაგეგმილი საჯარო შეხვედრები, ასევე, ნატოსა და ევროპის დღეებთან დაკავშირებული საკითხები განვიხილეთ. შიდა ქართლი აქტიურად ჩაერთვება დაგეგმილ ღონისძიებებში, რადგან ჩვენთვის ნატოსა და საქართველოს ევროპული ინტეგრაციის საკითხები მნიშვნელოვანია. რადგანაც ჩვენი ქვეყნის არჩევანი და გეზი სწორედ ევროპასა და ევროინტეგრაციას უკავშირდება, გვინდა, ახალგაზრდებსა თუ ნებისმიერი სხვა ასაკისა და პროფესიის წარმომადგენელს სწორი და ამომწურავი ინფორმაცია ჰქონდეს ამ თემასთან დაკავშირებით. სამხარეო ადმინისტრაცია ყოველთვის მზადაა ამ მიმართულებით თანამშრომლობისთვის“, - აღნიშნა გიორგი ხოჯევანიშვილმა.